

**სახელმწიფო შესყიდვის  
ხელშეკრულება №**

**ქ. თბილისი**

**ივნისი 2019 წელი**

ერთი მხრივ, შპს „საქართველოს გაზის ტრანსპორტირების კომპანია“ (შემდგომში – „შემსყიდველი“), წარმოდგენილი მისი გენერალური დირექტორის მოადგილის გიორგი მაჭავარიანის სახით, და მეორე მხრივ, ----- (შემდგომში – „მიმწოდებელი“), წარმოდგენილი მისი ----- სახით, „სახელმწიფო შესყიდვების შესახებ“ საქართველოს კანონის ----- საფუძველზე, ვდებთ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

- 1.1. ხელშეკრულებით განსაზღვრული პირობების შესაბამისად „მიმწოდებელი“ იღებს ვალდებულებას განახორციელოს „შემსყიდველის“ დასავლეთის ფილიალის ქსელით მოწყობის მომსახურების უზრუნველყოფა სოფ.სარბევის (თერჯოლის მუნიციპ.) (CPV72700000) (შემდგომში – „მომსახურება“).
- 1.2. „მომსახურების“ დეტალური ჩამონათვალი, ტექნიკური მახასიათებლები და განფასება მოცემულია წინამდებარე ხელშეკრულების დანართი N1-ის სახით.

**მუხლი 2. მხარეთა უფლება-მოვალეობები**

- 2.1. „მიმწოდებელი“ ვალდებულია:
  - 2.1.1. გაუწიოს „შემსყიდველს“ ხელშეკრულებით გათვალისწინებული მომსახურება ხელშეკრულებით გათვალისწინებული ვადებისა და პირობების შესაბამისად;
  - 2.1.2. ხელშეკრულებით გათვალისწინებული მომსახურების გაწევის შემდეგ, „შემსყიდველის“ მიერ ნაკლის ან ხარვეზის აღმოჩენის შემთხვევაში, უზრუნველყოს მისი აღმოფხვრა საკუთარი ხარჯით;
  - 2.1.3. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.
- 2.2. „მიმწოდებელს“ უფლება აქვს:
  - 2.2.1 მოსთხოვოს „შემსყიდველს“ წინამდებარე ხელშეკრულებით გათვალისწინებული მომსახურების ღირებულების გადახდა ხელშეკრულების პირობების შესაბამისად.
- 2.3. „შემსყიდველი“ ვალდებულია:
  - 2.3.1. ხელშეკრულებით განსაზღვრულ ვადაში განახორციელოს წინამდებარე ხელშეკრულებით გათვალისწინებული მომსახურების ღირებულების გადახდა;
  - 2.3.2. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.
- 2.4. „შემსყიდველს“ უფლება აქვს:
  - 2.4.1. „მიმწოდებლის“ მიერ გაწეული მომსახურების უხარისხობის აღმოჩენის შემთხვევაში, მოსთხოვოს მას აღმოჩენილი ხარვეზის დაუყოვნებლივ აღმოფხვრა საკუთარი ხარჯით.

**მუხლი 3. ნივთის მიწოდების ვადები და ჩაბარება**

- 3.1. „მიმწოდებელი“ ვალდებულია გაუწიოს „შემსყიდველს“ წინამდებარე ხელშეკრულების გაფორმებიდან ---- (-----) სამუშაო დღის განმავლობაში.
- 3.2. „მიმწოდებელმა“ „მომსახურების“ მიწოდება უნდა განახორციელოს „შემსყიდველის“ მიერ მითითებულ მისამართზე, 3.1. პუნქტში გათვალისწინებული შეტყობინების შესაბამისად.
- 3.3. „მომსახურების“ შესრულება დასტურდება მიღება-ჩაბარების აქტით, რომელსაც ხელს აწერენ მხარეთა უფლებამოსილი წარმომადგენლები.
- 3.4. „შემსყიდველს“ უფლება აქვს უარი თქვას ნაკლის მქონე „მომსახურების“ მიღებაზე.

#### **მუხლი 4. ხელშეკრულების ფასი და ანგარიშსწორების წესი**

- 4.1. წინამდებარე ხელშეკრულების მაქსიმალური სავარაუდო ჯამური ღირებულება შეადგენს ----- (-) ლარს დღგ-ს ჩათვლით.
- 4.2. ანგარიშსწორება მხარეთა შორის ხორციელდება ეროვნულ ვალუტაში, უნაღდო ანგარიშსწორების წესით, „შემსყიდველის“ მიერ „მიმწოდებლის“ საბანკო ანგარიშზე თანხის გადარიცხვის გზით.
- 4.3. ანგარიშსწორება ხორციელდება მიღება-ჩაბარების აქტის და შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.

#### **მუხლი 5. მომსახურების ხარისხი და გარანტია**

- 5.1. წინამდებარე ხელშეკრულების შესაბამისად გაწეული მომსახურების ხარისხი უნდა შეესაბამებოდეს დადგენილ სტანდარტებს.
- 5.2 „მიმწოდებელი“ იძლევა გარანტიას, რომ მის მიერ განხორციელებულ მომსახურებას არ ექნება რაიმე ნაკლი/დეფექტი.
- 5.3 შესრულებული მომსახურების ნაკლის/დეფექტის გამო წარმოშობილი პრეტენზიის წარდგენის პირობები, ისევე როგორც აქედან გამომდინარე სხვა ურთიერთობები, რეგულირდება საქართველოს სამოქალაქო კანონმდებლობით.

#### **მუხლი 6. ხელშეკრულების ინსპექტირების პირობები**

- 6.1. „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.
- 6.2. „შემსყიდველი“ უფლებამოსილია, მომსახურების გაწევის დამადასტურებელი მიღება-ჩაბარების აქტის გაფორმებამდე ჩაატაროს ინსპექტირება მომსახურების ხელშეკრულებით გათვალისწინებულ მოთხოვნებთან შესაბამისობის დადგენის მიზნით.
- 6.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

#### **მუხლი 7. პასუხისმგებლობა და ხელშეკრულების პირობების შეუსრულებლობა**

- 7.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.
- 7.2. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება.
- 7.3. „მიმწოდებლის“ მიერ მომსახურების გაწევის ვადის გადაცილების შემთხვევაში, „შემსყიდველი“ უფლებამოსილია დააკისროს მას პირგასამტეხლო შეუსრულებელი ან/და წუნდებული მომსახურების ღირებულების 0,1%-ის ოდენობით ყოველ ვადაგადაცილებულ დღეზე.
- 7.4. „შემსყიდველის“ მიერ წინამდებარე ხელშეკრულებით დადგენილ ვადებში გაწეული მომსახურების ღირებულების გადაუხდელობის შემთხვევაში „მიმწოდებელი“ უფლებამოსილია დააკისროს მას პირგასამტეხლო გადაუხდელი თანხის 0,1%-ის ოდენობით ყოველ ვადაგადაცილებულ დღეზე.
- 7.5. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.
- 7.6. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისგან.

7.7. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

7.8. ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს სამოქალაქო კოდექსით.

## **მუხლი 8. ხელშეკრულების პირობების გადასინჯვა**

8.1. წინამდებარე ხელშეკრულებაში ნებისმიერი ცვლილებისა და დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.

8.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

## **მუხლი 9. ფორს-მაჟორი**

9.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

9.2. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

9.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

## **მუხლი 10. ხელშეკრულების მოქმედების ვადა და შეწყვეტის პირობები**

10.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის 31 იანვრის ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10.3. „შემსყიდველი“ უფლებამოსილია ცალმხრივად, ვადამდე მოშალოს ხელშეკრულება, თუ „მიმწოდებლის“ მიერ გაწეული მომსახურების ხარისხი არ შეესაბამება წინამდებარე ხელშეკრულებითა და მხარეთა მიერ დადგენილ პირობებს, რა დროსაც მას უფლება აქვს მოითხოვოს უხარისხო მომსახურების გაწევის შედეგად მიყენებული ზიანის ანაზღაურება.

10.4. „მიმწოდებელი“ უფლებამოსილია ცალმხრივად, ვადამდე მოშალოს ხელშეკრულება, თუ „შემსყიდველი“ სისტემატურად არღვევს მომსახურების ღირებულების ანაზღაურების პირობებს, რა დროსაც მას უფლება აქვს მოითხოვოს ღირებულების გადაუხდელობით გამოწვეული ზიანის ანაზღაურება.

10.5. მხარეთა მიერ ხელშეკრულების მოშლის სხვა საფუძვლები რეგულირდება საქართველოს კანონმდებლობით დადგენილი წესით.

### მუხლი 11. დავების გადაწყვეტა

11.1. მხარეებს შორის წინამდებარე ხელშეკრულებიდან გამომდინარე რაიმე დავის ან აზრთა სხვადასხვაობის წარმოქმნისას, მხარეები შეეცდებიან გადაწყვიტონ დავა მოლაპარაკების გზით.

11.2. თუ გონივრულ ვადაში სადავო საკითხის გადაწყვეტა მოლაპარაკებით ვერ მოხერხდება, დავის გადაწყვეტა მოხდება საქართველოს საერთო სასამართლოში საქართველოს მოქმედი კანონმდებლობის შესაბამისად.

### მუხლი 12. ინტერესთა კონფლიქტი

შემსყიდველის მხრიდან ხელშეკრულებაზე ხელმომწერი პირი „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, წინამდებარე ხელშეკრულებაზე ხელმოწერით ადასტურებს, რომ მისი მონაწილეობა ხელშეკრულებით გათვალისწინებულ შესყიდვის პროცედურაში არ იწვევს ინტერესთა კონფლიქტს.

### მუხლი 13. დასკვნითი დებულებები

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე ერთ ეგზემპლარად და ხელმოწერილი იქნება მხარეთა უფლებამოსილი პირების მიერ „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

13.2. წინამდებარე ხელშეკრულება და მასში გათვალისწინებული მხარეთა უფლება-მოვალეობები და ვალდებულებები რეგულირდება, განიმარტება და აღსრულებადია საქართველოს კანონმდებლობის შესაბამისად. წინამდებარე ხელშეკრულებით გათვალისწინებულ ურთიერთობებზე აგრეთვე ვრცელდება საქართველოს კანონმდებლობა.

13.3. ყველა შეტყობინება ამ ხელშეკრულებით ითვლება გაგზავნილად, თუ ის გაიგზავნა წერილობით ხელშეკრულებაში მითითებულ მხარის მისამართზე, ან ჩაბარდა მხარეს ხელზე.

13.4. მხარეებს უფლება არა აქვთ წინამდებარე ხელშეკრულებიდან გამომდინარე უფლებები და მოვალეობები გადასცენ მესამე პირს მეორე მხარის წინასწარი წერილობითი თანხმობის გარეშე.

13.5. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.6. ხელშეკრულების დანართები წარმოადგენენ მის განუყოფელ ნაწილს.

### მუხლი 14. მხარეთა იურიდიული მისამართები და ხელმოწერები

| „შემსყიდველი“                                        | „მიმწოდებელი“ |
|------------------------------------------------------|---------------|
| შპს „საქართველოს გაზის ტრანსპორტირების კომპანია“     | შპს           |
| მის.: ქ.თბილისი, კახეთის გზატკეცილი №21              | მის.:         |
| ს/კ: 206103722                                       | ს/კ:          |
| სს „საქართველოს ბანკი“                               | სს            |
| ბ/კ BAGAGE22                                         | ბ/კ           |
| ა/ა GE15BG0000000175520100                           | ა/ა           |
| გიორგი მაჭავარიანი<br>გენერალური დირექტორის მოადგილე |               |